

Broj:02-97-4/22

Tuzla, 15.03.2022 godine.

Na osnovu člana 18. i 33. Statuta Turističke zajednice Tuzlanskog kantona (Službene novine Tuzlanskog kantona“ broj 5/17) , Turističko vijeće Turističke zajednice Tuzlanskog kantona na sjednici održanoj 15.03.2022. godine donosi:

ODLUKU O RASPISIVANJU

Javnog poziva za podnošenje zahtjeva za sufinansiranje projekata turističke infrastrukture odnosno dodjelu bespovratnih sredstava u skladu sa programom podizanja kvalitete turističke ponude Tuzlanskog kantona za 2022. godinu - **Infrastrukturni projekti od značaja za razvoj turizma - Projekti javne i druge turističke infrastrukture (rekreacijski sadržaji, izletišta, tematske staze, parkovi, kampovi, igrališta i dr.)**

Član 1.

Prihvata se inicijativa predsjednika Turističkog vijeća Turističke zajednice Tuzlanskog kantona o raspisivanju Javnog poziva za podnošenje zahtjeva za sufinansiranje projekata odnosno dodjelu bespovratnih sredstava / infrastrukturni projekti od značaja za razvoj turizma u skladu sa programom podizanja kvalitete turističke ponude Tuzlanskog kantona za 2022. godinu – **Infrastrukturni projekti od značaja za razvoj turizma - Projekti javne i druge turističke infrastrukture (rekreacijski sadržaji, izletišta, tematske staze, parkovi, kampovi, igrališta i dr.) u ukupnom iznosu od 70.000,00 KM (sedamdesethiljadakonvertibilnihmaraka)**

Član 2.

Predmet Javnog poziva je sufinansiranje projekata odnosno dodjela bespovratnih novčanih sredstava Turističke zajednice Tuzlanskog kantona za projekte koji imaju uticaj na podizanje kvalitete turističke ponude na području Tuzlanskog kantona, sadržano u Planu i programu rada i Finansijskom planu Turističke zajednice Tuzlanskog kantona Pozicija A. Osnovni zadaci Turističke zajednice Tuzlanskog kantona – Ulaganje za unapređenje turizma na području Tuzlanskog kantona – **Odjeljak Rashodi ; Tačka A.7.- Infrastrukturni projekti od značaja za razvoj turizma - Projekti javne i druge turističke infrastrukture (rekreacijski sadržaji, izletišta, tematske staze, parkovi, kampovi, igrališta i dr.)**

Član 3.

Za provođenje ove Odluke zadužuje se Voditelj Turističkog ureda Turističke zajednice Tuzlanskog kantona.

Član 4.

Odluka stupa na snagu danom donošenja.

Turistička zajednica Tuzlanskog kantona
Predsjednik Turističkog vijeća
Mustafa Šakić, s.r.

JAVNI POZIV

Za podnošenje zahtjeva za sufinansiranje projekata odnosno dodjelu bespovratnih sredstava u skladu sa programom podizanja kvalitete turističke ponude Tuzlanskog kantona za 2022. god. **Infrastrukturni projekti od značaja za razvoj turizma - Projekti javne i druge turističke infrastrukture (rekreacijski sadržaji, izletišta, tematske staze, parkovi, kampovi, igrališta i dr.).**

I.

Predmet Javnog poziva je sufinansiranje projekata odnosno dodjela bespovratnih novčanih sredstava Turističke zajednice Tuzlanskog kantona za projekte koji imaju uticaj na podizanje kvalitete turističke ponude na području Tuzlanskog kantona, sadržano u Planu i programu rada i Finansijskom planu Turističke zajednice Tuzlanskog kantona – Pozicija A. Osnovni zadaci Turističke zajednice Tuzlanskog kantona – Ulaganje za unapređenje turizma na području Tuzlanskog kantona – **Odjeljak Rashodi ; Tačka A.7. – Infrastrukturni projekti od značaja za razvoj turizma - Projekti javne i druge turističke infrastrukture (rekreacijski sadržaji, izletišta, tematske staze, parkovi, kampovi, igrališta i dr.).**

II.

1. Naziv programa:

Uređenje, izgradnja i obnova turističke infrastrukture u javnom i privatnom sektoru na području Tuzlanskog kantona, aktiviranje neiskorištenih turističkih resursa i kreiranje novih motiva za dolazak na turistička područja Tuzlanskog kantona:

- **Uređenje i obnova izletišta, kampova, trim staze, rekreacijski sadržaji, vidikovci, promatračnice, pješačke staze, biciklističke, planinarske i druge tematske staze, pećine, stijene za penjanje, igrališta, plaže na jezerima, rijekama i dr.**
- **Izrada i uređenje rekreacijskih i drugih turističkih sadržaja kod privrednih subjekata koji se bave turizmom i ugostiteljstvom.**

Ukupan iznos sredstava predviđen Javnim pozivom iznosi 70.000,00 KM.

➤ Korisnici sredstava:

Sredstva su namijenjena;

- Javnim institucijama/lokalnim zajednicama na području Tuzlanskog kantona i Javnim preduzećima koji se bave turizmom, i drugim komplementarnim djelatnostima koje imaju za svrhu promociju i razvoj turizma i turističkih sadržaja.
- Privrednim subjektima na području Tuzlanskog kantona koji se bave turizmom i ugostiteljstvom (privredna/privatna preduzeća, ugostiteljski objekti, obrti ...)
- Udruženjima i asocijacijama koji se bave turizmom i ekologijom

➤ **Kriteriji za raspodjelu sredstava:**

- Kvalitet i adekvatnost kandidiranih projekat (projekti koji doprinose ravoju turizma odnosno koji obogaćuju turističku ponudu i turističke sadržaje)
- Jasno definisani ciljevi provođenja projektnih aktivnosti (mjerljivi očekivanim pozitivnim efektima na turizam);
- Doprinos uspješnom razvoju, prezentiranju i afirmaciji Tuzlanskog kantona kao turističke destinacije;
- Minimalno vlastito učešće u projektu u iznosu od 50 %.

➤ **Obavezna dokumentacija za sve aplikante mora sadržavati:**

- Obrazac prijave;
- Detaljan projekat sa idejnim rješenjem, za koji se traži sufinansiranje sa jasno definisanim ciljevima, rokovima i metodama provođenja projektnih aktivnosti
- Finansijski plan projekta.
- Dokaz o dobivenim saglasnostima za izvođenje projektnih aktivnosti turističke infrastrukture – urbanistička/građevinska saglasnost i dr.
- Dokaz o registraciji subjekta od nadležnog organa.
- Uvjerenje o poreznoj registraciji (identifikacijski broj: ID broj)
- Potvrda o izmirenim poreskim obavezama za direktne i indirektne poreze.
- Ovjerenjena kopija ugovora sa bankom o otvaranju transakcijskog računa na koja će se doznačiti odobrena sredstva
- Obavezni članovi TzTK obavezno prilažu dokaz o izmirenim obavezama prema TzTK.
- Svi aplikanti koji su korisnici sredstava u prethodne dvije godine po Javnim pozivima TzTK, dostavljaju Izjavu o opravdanim sredstvima.
- Izjava o realizaciji projekta; **ovjerenjena kod nadležne službe lokalne zajednice / općine /grada odnosno notarske službe;**

➤ **Prihvatljivost troškova**

Sredstva podrške ne mogu se koristiti za:

- Troškove redovnog poslovanja podnositelja zahtjeva za podršku (plaće i ostala primanja zaposlenih, troškove prijevoza i putovanja, studijska putovanja, pokriće

gubitaka, poreze i doprinose, kamate na kredite, carinske i uvozne takse ili bilo koje druge naknade)

- Najam i kupovinu vozila,
- Troškove redovnog uredskog poslovanja
- Za sve druge troškove koji nisu vezani za realizaciju kandidiranog projekta i ciljeve programa

➤ **Važne napomene:**

- Aplikant može konkurirati samo sa jednim projektom po Javnom pozivu
- U koverti može biti samo jedan projekat, ako ima više projekata u jednoj koverti aplikacija se odbacuje;
- Dokumenti koji se predaju uz obrazac prijave projekta kao dokaz o ispunjavanju kriterija učešća iz ovog poziva, moraju biti originali ili ovjerene kopije, ne starije od šest mjeseci;
- Dokumenti koji se šalju na Javni poziv ne vraćaju se aplikantu;
- Sve promjene vezane za adresu sjedišta, telefonski broj, bankovni račun, aplikant je dužan prijaviti u roku od sedam dana;
- Pravo učešća na Javnom pozivu ostvaruju aplikanti registrirani na području Tuzlanskog kantona.

➤ **Način podnošenja zahtjeva**

Turistička zajednica Tuzlanskog kantona objavljuje kandidiranje projekata za dodjelu sredstava podrške na službenoj web stranici Turističke zajednice Tuzlanskog kantona kao i putem elektronskih odnosno štampanih medija.

Nosioci programa kandiduju projekte podnošenjem prijave projekta za dodjelu bespovratnih sredstava na propisanim obrascima i u prilogu dostavljaju traženu dokumentaciju original ili ovjerenu kopiju od strane nadležnog organa, i ne starija od 6 mjeseci od dana objave Javnog poziva na službenoj web stranici Turističke zajednice Tuzlanskog kantona.

Popunjeni propisani obrasci zajedno sa priložima koji se zahtjevaju Javnim pozivom dostavljaju se poštom preporučeno ili lično u zatvorenoj koverti na adresu:

Turistička zajednica Tuzlanskog kantona

Prijava na Javni poziv – Projekti javne i druge turističke infrastrukture.

Ul Muftije ef. Kurta broj 1

75000 TUZLA

➤ **Rok za podnošenje prijava**

Zahtjevi na osnovu objavljenog Javnog poziva primaju se u roku od 30 dana od dana objavljivanja Javnog poziva na web stranici Turističke zajednice Tuzlanskog kantona.

➤ **Zahtjevi koji se neće razmatrati**

- S nepotpunim podacima i nepotpunom dokumentacijom;
- Koji se ne dostave u roku;

➤ **Rangiranje projekata**

Sredstva će se odobravati projektima prema bodovnoj listi od najvećeg broja na niže, do krajnje raspodjele ukupnog iznosa proračunskih sredstava namjenjenih za ovaj program

➤ **Odobrovanje projekata**

Turističko vijeće Turističke zajednice Tuzlanskog kantona imenuje stručnu Komisiju za ocjenu ispunjavanja uslova i kriterija za dodjelu sredstava.

Komisija razmatra projekte zaprimljene na osnovu Javnog poziva, cijeni ispunjenost uslova i kriterija za odobrovanje sredstava, te zapisnik o odobrenim projektima s obrazloženom ocjenom i mišljenjem dostavlja Voditelju turističkog ureda. Voditelj turističkog ureda pripremljeni materijal dostavlja Turističkom vijeću TzTK na konačno usvajanje. Turističko vijeće Turističke zajednice Tuzlanskog kantona, na osnovu prijedloga stručne komisije i donosi Odluku o usvajanju zapisnika o odobrenim projektima. Sa ovlaštenim licima po odobrenim projektima odnosno korisnicima sredstava zaključuje se ugovor o međusobnim pravima i obavezama, nadzoru namjenskog korištenja sredstava, i dr obavezama korisnika.

➤ **Rok za donošenje odluke o odabiru projekata**

Odluka o odabiru programa i dodjeli bespovratnih sredstava donijeti će se najkasnije u roku od 30 dana od datuma zatvaranja Javnog poziva.

➤ **Objava popisa korisnika**

Popis korisnika i namjena dodjeljenih sredstava po korisniku biti će objavljen na web stranici Turističke zajednice Tuzlanskog kantona (www.tourism-tk.ba) u roku od 15 dana od dana donošenja odluke o odabiru projekata i dodjeli bespovratnih sredstava.

➤ **Rok za potpisivanje ugovora**

Turistička zajednica Tuzlanskog kantona će sa odabranim korisnicima potpisati ugovor najkasnije u roku od 20 dana od dana objave rezultata.

➤ Način isplate sredstava

Isplatu sredstava vrši Turistička zajednica Tuzlanskog kantona po obostranom potpisu ugovora.

➤ Dozvoljen iznos sredstava

Maksimalno dozvoljen iznos sredstava po jednom projektu iznosi **20.000,00 KM**

➤ Nadzor

Nadzor i provjeru programskog utroška sredstava vrši stručna komisija Turističke zajednice Tuzlanskog kantona, putem pisanog izvještaja s pratećom dokumentacijom (dokazima o korištenju sredstava) koje korisnik sredstava u ugovorenom roku dostavlja Turističkoj zajednici Tuzlanskog kantona, kao i uvidom na licu mjesta kod korisnika sredstava kod kojeg ocijeni da je potrebno izvršiti nadzor. U slučaju objektivno utvrđenih okolnosti koje su uticale na nemogućnost ispunjenja obaveza koje proizlaze iz ovog Programa i koje su utvrđene Ugovorom, korisnik sredstava je dužan odmah o tome obavjestiti Turističku zajednicu Tuzlanskog kantona u pismenoj formi.

➤ Obaveze korisnika sredstava

- Bespovratna sredstva iskoristiti namjenski u zadatom roku navedenom u projektu.
- Turističkoj zajednici Tuzlanskog kantona u roku od 60 dana od završetka projekta dostaviti finansijski i narativni izvještaj o korištenju bespovratnih sredstava s pratećom dokumentacijom koja potvrđuje navode u izvještaju.
- Na zahtjev Turističke zajednice Tuzlanskog kantona pružiti na uvid i dodatnu naknadno traženu dokumentaciju

➤ Završne odredbe

Vremenski rok u kome se trebaju implementirati odobreni projekti obuhvata period od momenta potpisivanja ugovora do 31.12.2022 godine.

U toku provođenja programa Turistička zajednica zadržava pravo njegove izmjene i dopune posebno za pojedine projekte, ako to ocijeni potrebnim, zbog njegove prirode, što će definirati u Ugovoru o korištenju bespovratnih sredstava.

Sve dodatne informacije vezane za Javni poziv, mogu se dobiti svakim radnim danom, od 13-15 sati: tel; 035 228 800 ; fax; 035 228 799, turzajtk@bih.net.ba

Turistička zajednica Tuzlanskog kantona
Predsjednik Turističkog vijeća
Mustafa Šakić, s.r.